


BON DIA

Aruba



Dialuna, September 2, 1991

80 CENT

Aña 1 / No.113

FUENTE DI TUR NOTICIA

Cualkier otro hende lo operá Golden Tulip mihó cu e ta awor

Paso drástico lo ser tumá pa terminá convenio

ORANJESTAD - Kende cu ta bai na maneha Golden Tulip Hotel awor aki, lo manehé sigur mihor cu e actual gerencia. Mas malo e no por bira di loke e ta caba.

Pesey den esaki Gobierno mester asumi un responsabilidad, pa cual mester cooperacion di sindicato pa e paso drastico cu Gobierno mester bai tuma, asina Promé Minister Nel Oduber a declara na Bon Dia Aruba.

Un ultimo intento a ser hasi pa Hulanda siman pasa pa wak si por yega na un solucion cu Golden Tulip.

E situacion actual na Aruba, ta un palabra so tin, cu Aruba

Caribbean Golden Tulip ta ser masha mal manehá.

Segun Promé Minister Nel Oduber, a discuti diferente escenario y un di nan ta, cu mira con por yega na un terminacion di e management agreement cu Golden Tulip.

Durante e conferencia di prensa di Diabierne último, Promé Minister Oduber a confirma cu Gobierno ta sperando riba un ultimo conseho cu nan ta spera di haya e siman aki, promé cu tuma e medida mas drastico contra di Golden Tulip, esta inicia e proceso pa termina e convenio di maneho di e hotel di Dutchco.

Te awor e convenio entre

Dutchco y Golden Tulip, cada dia ta placa so e ta costando pueblo. Pesey apelacion di cooperacion di un y tur, ya cu ta yegando e culminacion pa loke ta e pasonan mas drastico pa tuma.

Promé Minister no kier a divulga cua ta e scenarionan cu tin riba mesa. Mientras cu e hotel ta den e situacion aki, no por papia mas di un reapertura di e casino, maske cu tin varios grupo interesá. Pero nan tambe no kier bai opera un casino, a sabiendas cu e hotel ta ser mal manehá y no ta yega ni na 30% di ocupacion.

AA kier haci Aruba nan operacion central pa '92

pg.2

Pronto VARIG lo cuminsá bula pa Corsow

pg.20

Pakiko MRI ta mihó cu CT-Scan

pg.4

Minister Kelly a bai inspeccioná golf-course na Merca

pg.23

Jiu di inmigrante: E confusion di dos mundo

pg.8

Awe gana cu Bon Dia tin Afls. 1325.= den pot

Periodistanan mester haya derecho pa mantené nan fuente secreto

WILLEMSTAD - Segun abogado mr. Gibi de Windt, e trabao di periodista ta di gran importancia pa comunidad, cu un periodista mester haya e derecho pa mantené su fuente confidencial, sea di forma limitá òf absoluto. Asina mr. de Windt a bisa ayera na e apertura di e siglo Eddie Oleana, auspiciá pa Asociacion di Prensa Uní di Corsow.

Apertura di e siglo a tuma lugá ayera dia promé di September riba Dia di Prensa. E actividad aki a tuma lugá den aula di Biblioteca Nacional.

Tabata Presidente di Prensa Uní Rudsel van Lamoen cu a splica meta di e siglo Eddie Oleana, calificando e defunto como un ehempel pa otro periodistanan. Famfanan di e difunto a asisti ayera tardi na apertura di e siglo.

Tambe tabata presente Gobernador di Antiyas mr. Jaime Saleh. Van Lamoen a relatá tambe e scarsedad di periodista cu diferente medio ta confrontá, pero eyan mes el a

duna pabien na medionan di comunicacion cu no obstante e limitacion aki ta sigui duna comunidad informacion tur dia.

Abogado de Windt den un disertacion interesante a papia riba e periodista, su deber y obligacion pa mantené su fuente confidencial.

Actualmente no ta existí den ley e proteccion pa un periodista mantené su fuentenan confidencial. Algun profesion manera abogado, notario, trahadó social, dokter y clérigo si tin e derecho ey. Dunando un análisis di e loke ta yama na Hulandes 'Verschonningsrecht' (e derecho di cierto profesionalnan pa nenga di rindi testimonio den corte, pasobra nan a haya e informacion a base di nan trabao), de Windt a yega na e conclusion cu periodistanan tambe mester haya e derecho aki, sea den forma limitá òf absoluto.

De Windt a bisa sinembargo cu ta periodistanan mes mester entamá e proceso aki.



ORANJESTAD - Ayera nochi tabatin apertura di e establecimiento nobo di cuminda rápido, Taco Bell. Nan ta ofrecé un variedad di cuminda Mexicano, manera e.o. Burritos, Tacos y nan "Mexican Pizza". Pabien y exito!

Caso contra Noriega ta cuminsá Diamars

pg.18